

Ej, ašici

Ej ašici hod'te amo
da čujemo, pogledamo
kakvo nam je naše stanje
kud idemo, grdne rane. /2x

Dunjaluk će brzo proći,
valja vječnoj kući doći...
Sutra sunce će izaći,
naske ovdje neće naći. /2x

Valja saprat' grijeha dosta
i dočekat' smrtnog gosta!
A tvoj ummet je žalostan:
Šta ja činim, gdje sam, ko sam? /2x

Ehli-iman ima l' koga
osim Boga Jedinoga,
da ga štiti nedužnoga
od fursata dušmanskoga? /2x

Gdje je vjere naše uže
pa da nam se srca z'druže,
pa da jednom odahnemo,
rahat živ'mo i mrijemo. /3x